

Službene novine Federacije BiH, broj 104/22

Na osnovu člana 10. stav (3) Zakona o pravima demobiliziranih branilaca i članova njihovih porodica ("Službene novine Federacije BiH", br. 54/19 i 29/22) a u vezi sa tačkom I Rješenja o ovlaštenju za donošenje podzakonskih akata iz nadležnosti Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, i poduzimanje aktivnosti u cilju provođenja politike i izvršavanja federalnih zakona ("Službene novine Federacije BiH", broj 33/21), na prijedlog Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, premijer Federacije Bosne i Hercegovine donosi

PRAVILNIK

O IZMJENAMA PRAVILNIKA O OSTVARIVANJU PRAVA NA JEDNOKRATNU NOVČANU POMOĆ ZA PLAĆANJE TROŠKOVA LIJEČENJA DEMOBILIZIRANIH BRANILACA

Član 1.

U Pravilniku o ostvarivanju prava na jednokratnu novčanu pomoć za plaćanje troškova liječenja demobiliziranih branilaca ("Službene novine Federacije BiH", br. 23/22 i 64/22), u članu 5. tačka e) briše se.

Član 2.

U članu 8. stav (1) riječi: "200,00 KM (dvijestotine i 00/100 KM)" zamjenjuju se riječima: "300,00 KM (tristotine 00/100 KM)".

Član 3.

U članu 11. stav (6) briše se.

Dosadašnji st. (7) i (8) postaju st. (6) i (7).

Član 4.

Obrazac zahtjeva za priznavanje prava na jednokratnu novčanu pomoć za plaćanje troškova liječenja zamjenjuje se novim obrazcem koji se nalazi u prilogu ovog pravilnika i čini njegov sastavni dio.

Član 5.

Ovaj pravilnik stupa na snagu narednog dana od dana objave u "Službenim novinama Federacije BiH", a primijenjivati će se od 01.01.2023. godine.

Broj 05-37-4114/22
26. decembra 2022. godine
Sarajevo

Po ovlaštenju Vlade FBiH
Premijer
Fadil Novalić, s. r

(Prezime, ime oca, ime)

(Broj LK)

(Adresa podnosioca prijave i kontakt tel)

**Federalno ministarstvo za pitanja boraca i invalida odbrambeno-oslobodilačkog rata/ Federalno ministarstvo za pitanja branitelja i invalida domovinskog rata
Hamdije Čemerlića br.2, sprat VII (bivša zgrada Energoinvesta) -SARAJEVO**

**PREDMET: Zahtjev za priznavanje prava na jednokratnu pomoć za plaćanje troškova liječenja
DEMOBILIZIRANOG BRANIOCA**

Ovim zahtjevom tražim od naslova priznavanje prava na jednokratnu pomoć za plaćanje troškova VLASTITOG liječenja oboljenja/ povrede, kako slijedi: **(PODVUĆI)**

I Tumori:

- maligni tumori
- benigni tumori koji lokalizacijom ili prirodom mogu ugroziti život ili smanjiti funkciju organa ili sistem

Napomena: Za oboljenje malignog tumora podnosilac zahtjeva ima pravo na jednokratnu pomoć za plaćanje troškova liječenja najkasnije u roku od 5 (pet) godina nakon uspostavljene dijagnoze, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

II Neuromišićna oboljenja:

- progresivna neuromišićna oboljenja
- mišićna distrofija
- multipla skleroza
- miastenija gravis
- neuropatije
- miopatije
- epilepsija (nekontrolisana ili rezistentna na terapiju)
- nezarazni encefalitis i enecefalomijelitis
- cerebralna paraliza

III Bolesti koštano-mišićnog sistema i vezivnog tkiva:

- protruzija intervertebralnog diskusa sa komplikacijama (težim funkcionalnim oštećenjem nerva, mišića, popuštanjem sfinktera) zahtjevaju intezivan i dugotrajan medicinski tretman
- seropozitivni reumatoidni artitis kada je bolesnik nesposoban za bilo kakve aktivnosti ili vezan za postelju i invalidska kolica.
- ankilozirajući spondilitis
- direktna infekcija zglobova, kod infektivnih ili parazitaranih oboljenja
- upalne bolesti zglobova
- degenerativna bolest perifernih zglobova, deformacije kralježnice, zakrivljenost srednjeg dijela, deformacije zakrivljenost donjeg dijela, bočna zakrivljenost kralježnice, degenerativne promjene kičme, pod uslovom das u operativno tretirani
- upala kosti sa razaranjem , uzrokovan bakterijama, gljivicama i mikobakterijama
- degenerativne bolesti kostiju i zglobova
- bolesti koje uzrokuju ozbiljne funkcionalne smetnje lokomotornog aparata i trajno ga onemogućavaju u normalnom obavljanju svakodnevnih aktivnosti
-

IV Respiratorne bolesti:

- bolesti pluća praćene trajnim oštećenjem respiratorne funkcije (sa vrijednostima vitalnih plućnih parametara: FVC, FEV-1, FEV 1/FVC ispod 40%)
- hronična opstruktivna bolest (HOPB)
- emfizem pluća
- astma bronhijalna
- sarkoidoza
- bronhijektazije
- apsces pluća i medijastinuma

- piotoraks
- pneumotoraks
- sindrom respiratornog distresa (RDS)
- druge plućne bolesti koje su iziskivale bolničko liječenje u posljednjih godinu dana

V Specifična stanja koja zahtijevaju skupi i doživotni tretman:

- transplantacije organa
 - transplantacije koštane srži
 - stanja nakon operativnih stanja na srcu, mozgu i plućima koja zahtijevaju duže bolničko liječenje, oporavak i intenzivni medikamentozni tretman
- Napomena: Za oboljenje transplatacija koštane srži jednokratna pomoć za plaćanje troškova liječenja se može odobriti najkasnije u roku od 5 (pet) godina od dana izvršene transplatacije prema medicinskoj dokumentaciji, osim ako se radi o potrebi ponovne transplatacije kada se jednokratna pomoć za liječenje može odobriti i unaprijed.

VI Bolesti kardiocirkulatornog sistema:

- infarkt miokarda
 - intracerebralna krvarenja
 - subarahnoidalna krvarenja
 - plućna embolija
 - hipertenzivna oboljenja (sa popuštanjem srčanog mišića)
 - hipertenzija (sa renalnom insuficijencijom)
 - operativni zahvati na srcu (ugradnja stentova, bajpasa, pejsmejкера i dr.)
 - aortalna rascjepljenja-Aneurizma aorte, Disectio aorte
 - reumatska groznica koja obuhvata srce
 - Wegenerova granulomatoza (zapaljenje krvnih žila)
 - kongenitalne malformacije srca
- Napomena: Za oboljenje infarkt miokarda podnosilac zahtjeva ima pravo na jednokratnu pomoć za plaćanje troškova liječenja najkasnije u roku od godinu dana nakon bolničkog liječenja, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

VII Psihička oboljenja:

- bolesti zbog čije prirode i stanja oboljeli može ugroziti svoj i/ili život drugih lica, oštetiti materijalna dobra, a koje zahtijevaju stalni medikamentozni tretman i kontinuirano praćenje od strane nadležnog psihijatra
- posttraumatski stresni poremećaj (PTSP)
- akutna psihoza
- hronična psihoza
- primarna demencija kod Alzheimerove bolesti
- demencija kod Parkinsonove bolesti
- nespecifična demencija
- mentalna retardacija
- autizam
- Down syndrom

VIII Sistemske bolesti:

- sistemski lupus
- poliarteritis nodosa
- difuzna sistemska slerodermija
- Sjogrenov sindrom
- Cronova bolest
- ulcerozni colitis
- psoriasis

IX Endokrine i metaboličke bolesti:

- šećerna bolest sa jako izraženim komplikacijama (insulinski tretirana, sljepoća, gangrene, bubrežna insuficijencija)

- hronični endokrini poremećaji ukoliko su operativno tretirani

X Bolesti krvi, krvotvornog sistema i imunološkog sistema:

- stečena aplazija crvenih krvnih zrnaca,
- mijeloproliferativna oboljenja koštane srži-Myelofibrosis

XI Bolesti gastrointestinalnog i hepatobilijarnog trakta:

- hronični pancreatitis-ponavljajuća upala gušterače
- trajna oštećenja jetre koje zahtijevaju dugotrajno liječenje-Hepatitis chr. persistens
- nealkoholna ciroza jetre sa trajnim oštećenjem-Cirosis hepatis

XII Bolesti oka i vidnog živca:

- upala vidnog živca, optički neuritis, gubitak vida
- druge očne bolesti koje su iziskivale bolničko liječenje u posljednjih godinu dana

XIII Bolesti urogenitalnog trakta:

- nefrotski sindrom bilo koje etiologije
- upale bubrega praćene bubrežnom insuficijencijom
- hronična bubrežna insuficijencija koja zahtjeva trajnu dijalizu
- i druge bolest urogenitalnog trakta koje su iziskivale operativno i bolničko liječenje u posljednjih godinu dana

XIV Povrede, opekotine i rane:

- povrede (teške tjelesne povrede koje ozbiljno oštećuju zdravlje i uzrok su ozbiljnih oštećenja organa, osjetila i organskih sistema, amputatio, fracture, ozljede srca i organa, crush povrede vrata), ukoliko je zahtjev za ostvarivanje prava podnesen u roku od jedne od dana zadobivanja povrede
- opekotine (srednje teško opečeni - površine opekotine do 40% ili duboke opekotine nefunkcionalnih dijelova tijela do 10% površine, teško opečeni-površina opekotine prelazi preko 40% površine tijela ili duboke opekotine funkcionalnih dijelova tijela bez obzira na njihovu površine, smrtonosne opekotine-one koje zahvataju površinu tijela veću od 50%), ukoliko je zahtjev za ostvarivanje prava podnesen u roku od jedne godine u odnosu na dan zadobivanja opekotine
- rane (ranjavanja koja su prouzrokovala trajne posljedice po normalan život), ukoliko je zahtjev za ostvarivanje prava podnesen u roku od jedne godine u odnosu na dan ranjavanja

XV Operativni zahvati

- Za ozbiljnije operativne zahvate, koji iziskuju bolnički postoperativni tretman, podnosilac zahtjeva ima pravo na jednokratnu novčanu pomoć za liječenje ukoliko je zahtjev za ostvarivanje prava podnesen u roku od jedne godine u odnosu na operativni zahvat.
- Izuzetno, kod težih i složenijih operacija na srcu, mozgu, plućima i amputacije udova, koje iziskuju stalni ljekarski nadzor i liječenje, podnosilac zahtjeva ima pravo na jednokratnu novčanu pomoć za plaćanje troškova liječenja kontinuirano jedanput u toku dvije kalendarske godine.

Uz zahtjev prilažem:

1. CIPS prijavu, ne stariju od 6 mjeseci (**u originalu ili ovjerenoj kopiji**);
2. Uvjerenje o pripadnosti Oružanim snagama u trajanju od **najmanje godinu dana**, izdato na obrascu FMB 3A od nadležne Grupe/Samostalnog izvršioca za pitanja evidencija iz oblasti vojne obveze (ne starije od 6 mjeseci) – **PRIBAVLJA ORGAN SLUŽBENIM PUTEV, (u originalu ili ovjerenoj kopiji)**;
3. Dokaz o zdravstvenom stanju (medicinska dokumentacija) izdata od strane ovlaštene zdravstvene ustanove ili stručnog tima - konzilijuma, ne starija od godinu dana, sa ostalom medicinskom dokumentacijom u svrhu dokazivanja kontinuiteta liječenja, (kopije)
4. Za liječenje u inostranstvu: prijedlog univerzitetsko-kliničke bolnice (kliničke zdravstvene ustanove) koja se bavi liječenjem oboljenja za koje se traži odlazak na liječenje u inostranstvo, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma ("Službene novine FBiH", broj 55/13), kopija

5. Za liječenja u inostranstvu predračun troškova budućeg liječenja u inostranstvu, odnosno za otpočeto ili završeno liječenje u inostranstvu dokaze o nastalim troškovima, (kopije)
6. Potvrda banke sa brojem tekućeg računa ili kopija tekućeg računa podnosioca zahtjeva (original ili kopija)

Svojeručni potpis podnosioca zahtjeva _____

NAPOMENE:

- 1) Demobilizirani branilac ima pravo na jednokratnu novčanu pomoć za liječenje jedanput u dvije kalendarske godine (ukoliko je pravo ostvareno u prethodnoj godini, u sljedećoj kalendarskoj godini nema pravo na jednokratnu novčanu pomoć);
- 2) Za zahtjeve kod kojih je liječenje vršeno (i) u inostranstvu, u pogledu iznosa odobrene pomoći, cijeniti će se dostavljena dokumentacija iz tačke 3., 4. i 5. Obrasca zahtjeva i to primjenom st. (1) člana 8. Pravlnika o ostvarivanju prava na jednokratnu novčanu pomoć za plaćanje troškova liječenja demobiliziranih branilaca.

Shodno članu 5. Zakona o zaštiti ličnih podataka („Službeni glasnik BiH“ broj; 49/06, 76/11 i 89/11) kao nosilac gore navedenih podataka saglasan/saglasna sam da Federalno ministarstvo za pitanja boraca i invalida odbrambeno-oslobodilačkog rata/ Federalno ministarstvu za pitanja branitelja i invalida domovinskog rata vrši pribavljanje i obradu istih u svrhu realizacije gore navedenog zahtjeva, trajno.